



R conecta ás súas redes avanzadas vivendas e empresas de Sada, que serán preto de 8.403 a peche de ano

- *Novos inmobles do núcleo de Serra, no concello coruñés de Sada, xa poden dispor de accesos a Internet de ata 500 megas simétricos e do resto de servizos avanzados de R.*
- *A despregadura destas redes está subvencionada polos Fondos FEDER da Unión Europea a través do Programa de Extensión da Banda Ancha de Nueva Generación (PEBA-Plan Avanza) do Ministerio de Asuntos Económicos y Transformación Dixital.*
- *Só tendo en conta este plan do Ministerio, arredor de 676 fogares e negocios de Sada terán conexión á infraestrutura de nova xeración do operador galego cando remate 2021.*

Xoves, 2 de setembro de 2021.- O concello coruñés de Sada, na bisbarra das Mariñas, conta con novos fogares e negocios do **núcleo de Serra** conectados ás redes avanzadas de **R**. Grazas ao operador galego, todos eles xa poden gozar de accesos ultrarrápidos a Internet de ata 500 megas simétricos e doutros servizos de telecomunicacións de última xeración.

R rematou un treito dos traballos de despregadura de rede neste lugar do concello de Sada, aproveitando ao máximo as infraestruturas locais. Esta vez, máis de **medio centenar de inmobles** do núcleo de Serra sumaranse a próximas despregaduras do Plan Avanza, que situarán este concello nos **676 fogares e negocios** con conexión á infraestrutura de nova xeración do operador galego a peche de ano tamén nos núcleos de Lácere, A Lagoa, Esperela, Machado e Fraga.

Do mesmo xeito, á marxe do programa do Ministerio, **R** leva dúas décadas incorporando á súa infraestrutura vivendas e empresas en Sada, co que este concello da ría de Betanzos comezará 2022 con **8.403 fogares e negocios** preparados para recibir todos os servizos avanzados de telecomunicacións de **R** (676 do Plan Avanza e 7.727 doutras despregaduras do operador galego).

10 millóns de investimento e fondos europeos

Esta e outras actuacións de extensión de rede na provincia da Coruña forman parte dun dos **tres proxectos do Plan PEBA-Avanza** do Ministerio de Asuntos Económicos y Transformación Digital dos que **R** resultou adxudicataria en 2018 para despregar a tecnoloxía FTTH en 512 núcleos de Galicia que non dispuxesen de alta velocidade ata ese momento (“zonas brancas”).

No desenvolvemento dos tres plans investirase un total de **10M€**, dos cales case 8M€ están a ser subvencionados polos fondos FEDER da Unión Europea. En concreto, esta última despregadura en Sada, no núcleo de Serra, enmárcase no proxecto destinado á extensión de redes de nova xeración en **154 núcleos de concellos do noroeste de Galicia** (A Coruña, norte de Pontevedra e oeste de Lugo), cun investimento total de 2,6M€.

Un segundo proxecto fala igualmente do despregamento de banda larga de nova xeración con tecnoloxía FTTH, desta volta en **162 núcleos de concellos do centro-oeste de Galicia** (norte de Pontevedra, sur da Coruña e oeste de Lugo); o investimento total neste caso é de 3,58M€.

O terceiro dos proxectos adxudicados desenvólvese en **196 núcleos de concellos do suroeste de Galicia** (Pontevedra), traballos que nestas zonas suporán un investimento de 3,75M€.

65.000 fogares e negocios conectados a peche de 2021

Arredor de **32.000 novos fogares e negocios** de Galicia quedarán conectados ás redes de nova xeración de **R** cando rematen as actuacións adxudicadas en 2018 ao operador galego polo Ministerio de Asuntos Económicos y Transformación Digital .

A estes traballos hai que lles sumar as tarefas de extensión de redes avanzadas que desenvolveu **R** dende 2016 en virtude doutro concurso do Plan PEBA do Ministerio para lles achegar tamén a tecnoloxía FTTH a diferentes “zonas brancas” da xeografía galega; en concreto, para conectar **33.000 fogares e negocios**, cuxos servizos están arestora en fase de comercialización, ás redes de nova xeración de **R**.

Deste xeito, cando finalicen os dous plans, preto de **65.000 novas residencias particulares e empresas** quedarán preparadas para recibir os servizos avanzados de **R**.

A día de hoxe, só no marco do Plan Avanza, **R** chegou por primeira vez coas súas redes de nova xeración a núcleos de poboación das catro provincias galegas que nunca dispuxeran de alta velocidade nos concellos do Rosal, Monterroso, Palas de Rei, Boqueixón, Porto do Son, Curtis, Cuntis, Meaño, Pobra de Trives, Peín, Barreiros, Lourenzá, Ortigueira, Cariño, Camariñas, Muros, Cerceda, Antas de Ulla, Moraña, Guitiriz, Tomiño, Abegondo, Ribadumia, Combarro, Muxía e Ponte Caldelas.

Todas estas localidades poden gozar agora de accesos ultrarrápidos a Internet de 500 megas simétricos con velocidade garantida, do decodificador Android 4k da televisión dixital de **R** e de pura alta definición co servizo **rebobina**, para ver a tele como e cando se queira.

Así mesmo, as/os clientas/es de **R** poden aforrar no seu plan de datos móbiles e conectarse gratuitamente a arredor de 130.000 puntos da rede wificlientes **R** diseminados pola xeografía galega. E todo isto, cunha atención ao/á cliente/a próxima, de calidade e sempre dende Galicia.

comunicación R
prensa@mundo-r.net
R.gal

